

劍南西道

劍南東道

卷之八十 霸

卷八十一 松

卷八十二 梓

卷八十三 綿

卷八十四 劍

州 保安 信

州 嘉誠 誠

州 彭州 州

州 鄭州 州

州 巴州 州

州 普安 州

州 牙利 拓

州 交川 岷

州 奉德 州

州 序州 州

州 魏城 州

州 武連 州

州 拓縣 州

州 真州 州

州 嚴州 州

州 通泉 州

州 神泉 州

州 劍門 州

州 喬珠 州

州 洛籍 州

州 諾州 州

州 靜州 州

州 富國 州

州 普成 州

龍州 江油 晴川

部



太平寰宇記卷之八十

劍南西道九

太平寰宇記卷之八十

霸州

拓州

恭州

壽州

保州

眞州自拓州以  
下並廢

霸州

霸州靜戎郡今唐天寶元年因招附生羌置靜戎郡

便以羌附酋董嘉俊為刺史領七部族把蕃卓子

孫相繩不絕乾元元年改為霸州本屬隴右道永

徽以後割屬松州都督入劍南道皇朝乾德三年

西南南尼首領兼霸州上表內附



領縣四

安信 牙利 保寧 歸化

四至

東北至東京 缺

東北至西京四千里

東北至長安二千三百里

北至繩橋有路駱駝撫山連桃溪谷至蕃州去州一百里

戶

唐開元戶五百七十

皇朝戶漢一百七十餘外竝蕃戶

風俗

部族男兒氈帽青毛為衫袴緋毛為襪胡盧靴婦人戴阜綾二尺如扇子用竹作扇骨衣青毛衫單著青毛裙不著袴

人物 無

土產

散麝香

安信縣

去州二十里二鄉

在鉢南村置

牙利縣

去州五里三鄉

在小龔山上村置



保寧縣

去州三十里三鄉

在質臺村置

歸化縣

去州西北四百里一鄉

在移村置已上四縣並與郡同

置各有部落主持俱無徵科 質家湫在州北八

十里其水流下桃溪谷至西川 大龔山又有小

龔山在州西北一十里號苻堅城

### 拓州

拓州

蓬山郡今理拓縣

唐永徽年置拓州以開拓為稱天寶

元年改為蓬山郡乾元元年復為拓州本屬隴右

道松州都督後割屬劍南

### 領縣二

拓縣

喬珠

### 四至八到

東北至東京三千六百三十里

東北至西京三千二百一十里

東北至長安二千二百六十里

東至靜州三十里

南至維州三百里

西至郡內長碣鎮九十里

北至恭州柏嶺八十里

東南至成都府七百里



東北至松州二百六十里

戶

唐開元戶四百

風俗同當州

土產

酥 黃連 麝香 當歸

拓縣二鄉

喬珠縣西五十里一鄉

以上二縣與郡同置

恭州

恭州恭化郡今理和集縣唐開元二十四年分靜州廣平縣置

恭州仍置博恭烈山二縣天寶元年改為恭化郡乾元元年復為恭州本屬隴右道後割屬劍南道

領縣三

和集 博恭 烈山

四至八到

東北至東京三千五百七十里

東北至西京三千一百五十里

東北至長安二千二百九十里

東至拓州界三十五里



南至維州三百三十里

北至吐蕃白山鎮七十五里

又北至故洪州三百七十里

東南至茂州三百五十里

西南至平戎城一百一十里

西北至柏嶺鎮四十里

戶

唐開元戶一千一百八十

風俗同拓州

土產同拓州

和集縣二鄉舊廣平縣屬靜州唐開元二十四年於縣

置恭州天寶元年改為和集

博恭縣東三十五里二鄉唐開元二十四年分廣平置

烈山縣東五十里二鄉唐開元二十四年分廣平置

嵩州

嵩州越嵩郡今理越嵩縣本益州西南外夷地秦時略通五尺

道漢始立為邛都國故史記曰自滇以北君長以

十數邛都最大是也至武帝始誅邛君并殺柞侯

冉駝之戎等皆震讐仍以邛都之地為越嵩郡屬

益州部以鎮之按郡有心水嵩水皆出深羌界南



歷本郡焉言越嚮者以彰威德也故名越嚮郡後漢至晉宋皆因之不朝貢故十道志云魏晉以還蠻獠恃險抄竊乍服乍叛是也至齊彼夷長或來納款因爲越嚮獠郡以統之後周武帝征越嚮又開其地因立嚴州取其嚴敬爲稱隋開皇四年改嚴州爲西寧州十一年又改爲嚮州隋末又改爲越嚮郡唐武德元年改爲嚮州領越嚮邛部可泉蘇祁臺登五縣二年又置昆明縣三年置總管府管一州貞觀二年割雅州陽山漢源二縣來屬八年又置和集縣天寶元年改越嚮郡依舊都督府復之

領縣九

越嚮 臺登 蘇祁 昆明 邛部 陽山 會川 蜻蛉 弄棟

四至八到

東北至東京

缺

東北至西京四千九十里

東北至長安三千二百三十里

東至于費生蠻二百三十里



南至姚州界五百六里

西南至磨迷生蠻六百六十里

戶

唐開元戶四萬七百二十

風俗

尚骨卜刻木為信火葬而樂送以鼓吹為送終

木耳夷死積薪燒之烟正則大殺牛羊相賀以作

樂若遇風烟旁散乃大悲哭

濮夷九州要記云在郡界千里常居木上作屋有

尾長二寸若損尾立死若欲地上居則預穿穴以

安尾

文夷按九州要記云嚮之西夷人身青而有文如

龍鱗生於臂脛之間將婚會于路歌謠相感合以

為夫婦焉又有穿鼻儋耳種瘴氣有聲著人人死

著木木折號曰鬼巢焉

土產

絲布五味子麩金及牛

按博物志越嚮郡有牛稍割取肉經日必復生如故玄中記云割而復生名曰及牛

生子大如瓜味酸可生食有龍目樹似荔枝

有檀木可以為布



越雋縣本漢邛都縣地隋開皇六年分邛都置越雋縣屬西寧州十八年改爲雋州縣仍屬焉此地有越水雋水爲名 陷河後漢書西南夷傳武帝初置邛都縣無幾而地陷爲污澤因名爲邛池南人以其爲邛河 三苑後漢書安帝紀云永初六年詔越雋置長利高望始昌苑是也 元馬河中有俱于銅船以羊祀之則可取也 苻自漢書以下至州郡圖籍凡言苻者卽此土夷人於大水之上置藤爲橋謂之苻故曰邛苻 黑水杜甫詩云雲深黑水遙是也 漏天春夏常雨故曰漏天 石

室山按九州要記云山在汶江之北昔樵人王質入山見二仙人圍碁質乃坐斧而觀二仙棋訖質亦起見斧柯已爛方悟是二仙人 鸚鵡山山多鸚鵡得名 麻山山有麻能解彼瘴氣之毒故曰

麻山 奴誥城諸葛武侯征蠻築以憩軍之所

臺登縣

西北一百二十七里五鄉

漢旄牛縣地屬邛都國按九州

要記云臺登縣有奴誥川鸚鵡山黑水若水閒出其下卽黃帝子昌意降居若水卽是此邑又十道志云隋仁壽四年罷大渡鎮置登州大業二年廢登州又立陽山鎮唐武德元年改置陽山縣屬登



太平寰宇記卷之六十一  
州貞觀二年割屬儂州開元初改爲臺登縣長  
河水本名孫水又曰沙水史記曰司馬相如定西  
夷橋孫水以通邛笮繩水漢書地理志云繩水  
出徼外又云若水南至大笮入繩卽謂此水也  
沈黎故城周武帝天和二年開越儂于此置黎州  
尋廢隋開皇三年又于此置沈黎鎮十三年改爲  
縣武侯故城在瀘河水東卽武侯所築以安戎  
兵之所

蘇祁縣

西北六十  
四里六鄉

漢舊縣屬越儂郡後周武帝天和  
三年開越儂後於儂舊城立蘇祁縣以蘇祁之夷

爲邑居池按山海經云越儂蘇祁有居池今謂  
之曲池是也

昆明縣

西南三百  
里三鄉

本漢定笮縣地屬越儂郡周武帝

天和三年置定笮鎮唐武德二年於鎮置昆明縣  
蓋南接昆明之夷因名天寶中於此置昆明軍以  
鎮撫之鐵石山山有礱石火燒之成鐵爲劍戟  
極剛利鹽井今邑民取鹽先積薪以火燒過以  
水洗灰卽成黑鹽煉之又白此邑川陸有鹽鐵之  
利尤爲邦邑之繁會昔爲氏豪所據蜀將張疑殺  
其豪帥遂擅鹽鐵之利也



邛部縣東北一百六十里三鄉本漢闕縣屬越巂郡又按宋書

州郡志有蘭縣屬沈黎郡周武天和三年又於縣

置邛部郡以縣屬焉隋開皇三年罷郡改為邛部

縣屬巖道縣仍帶邛部鎮

陽山縣西一百一十二里二鄉本漢旄牛縣地隋仁壽四年罷大渡

鎮置登州大業二年廢登州又立陽山鎮唐武德

元年改置陽山縣屬南登州貞觀三年割屬巂州

沈黎縣周武帝天和二年開越巂於此置黎州

隋開皇三年又置沈黎鎮十三年改為縣

會川縣南一百七十里三鄉本漢邛都縣地唐上元二年移邛

都縣于會川鎮城內安置以獠寇道路川原竝會

于此川故名縣瀘水按十道記云水出蕃中入

黔府歷郡界出拓州至此有瀘津關關上有石岸

高三千丈四時多瘴氣三四月間發人衝之死非

此時中人多悶吐唯五月上伏即無害故武侯征

越巂上疏云五月渡瀘深入不毛之地按地記云

今昆明道渡所見有武侯道在按十道記水峻急

而多巉石土人以牛皮為船方涉津溪會無川

在瀘水之南上有深巖巖中多仙人葬莫測其來

遠望如牕牖之間其棺內多碧骨如珠人取之多



不祥 大冢武侯軍此士卒遭疫癘以大冢葬之  
在縣南 興古郡郡國志云有大蛇長數丈其尾  
有兩歧如鉤在水中以尾鉤取岸上人馬食之  
黃津江側有大蛇名曰青慈好食人又有大蛇在  
樹上伺鹿之類以尾繞之鹿死乃吞之吞了蛇亦  
繞樹其角亦鑽皮出蛇亦殆死瘡差卽更吞鹿  
雲南有神祠石室稱黃石公祈之用紙一張筆一  
雙墨一丸室內有啟必知吉凶而不見形

蜻蛉縣禹穴內有金馬碧雞其光倏忽人皆見之

弄棟縣廢葉檢縣有弔鳥山山上有鳥千百羣飛啁

晰一歲必一度大集云鳳凰死于此也 迷水鎮

有滇池方三百里源深闊下流淺狹有似倒流故

名滇池有神馬與今馬交生駿駒

### 保州

保州

雲山郡今  
理定廉縣

本維州之定廉縣南接吐蕃爲夷落

之極塞唐開元二十八年羌夷內附因置奉州以  
董晏立爲刺史領定廉一縣天寶元年改爲雲山  
郡八載移治所于天保軍乃改爲天保郡乾元元  
年西山子弟兵馬使嗣歸誠王董嘉俊以西山管  
內天保郡歸附乃改爲保州以嘉俊爲刺史



領縣三

定廉 歸順 雲山

四至八到

東北至東京四千二百二十里

東北至西京三千八百里

東北至長安取維州路二千八百里

東至維州風流鎮四十五里

東至吐蕃野城八十里

西至天保軍一百三十五里

北至莫博大嶺七百三里

戶

唐開元戶一千二百四十

土產

羌活

定廉縣

三鄉

隋置定廉鎮隋末陷羌武德七年招白狗

羌置維州及定廉縣以界水名永徽元年廢鹽城

併入開元二十八年改屬奉州天寶八載改屬天

保郡

歸順縣

一鄉

雲山縣

一鄉

唐天寶八載分定廉置此二縣



真州

真州

昭德郡今理真符縣

唐天寶五載分臨翼郡之昭德雞川

兩縣置昭德郡乾元元年改為真州取真符縣為名

領縣三

真符 雞川 昭德

四至八到

東北至東京

缺

東北至西京三千八百五十里

東北至長安三千里

東至翼州七十里

西至維州界一百里

南至茂州通化縣界一百里

北至悉州界一百三十里

戶

唐開元戶六百七十六

土產

當歸 散麝香

真符縣

一鄉

唐天寶五年分雞川昭德二縣置真符縣

州所治也



太平寰宇記卷之六十一  
雞川縣一鄉唐先天二年割翼州翼水縣置天寶五載

改屬眞州

昭德縣一鄉舊志曰縣屬悉州天寶元年改屬翼州仍

改名昭德縣五載改屬眞州

校勘

壽州

臺登縣總序

漢旄牛縣地屬邛都國

按漢蜀郡秦置有旄牛縣越壽郡武帝置  
有臺登縣各異地又按前漢西南巨傳武

帝以邛都爲越壽郡今記序臺登乃云漢  
旄牛縣地屬邛都國未知所本恐亦舛誤

太平寰宇記卷之八十終

太平寰宇記卷之八十

古



太平寰宇記卷之八十一

劍南西道十

松州

當州

悉州

靜州己上四州並廢

松州

松州

交川郡今理嘉誠縣

禹貢梁州之域又為雍州之境爰劍

諸羌居焉後漢西羌傳云西羌之本出自三苗蓋

姜姓之別其國近南岳及舜流四凶徒之三危今

河關之西南羌地是也濱于賜支至于河首縣地

千里賜支析支也王政修則臣伏德教失則寇亂



本無君長夏末及商周之際或從侯伯征伐有功天子爵之以爲蕃服羌無弋爰劍者秦厲公時爲秦所執以爲奴隸後得亡歸將其種人南出賜支河其後子孫各自爲種或爲犛牛種越巂羌是也或爲白馬種廣漢羌是也或爲參狼種武都羌是也至爰劍曾孫忍及弟舞獨留湟中忍生子研故羌中號其後爲研種漢景帝時研種留何求守隴西塞於是徙留何等於狄道安故及武帝西逐諸羌乃渡河隍築令居塞始置護羌校尉從爰劍種五世至研研最豪健以研爲種號十三世至燒當

復豪健其子孫更以燒當爲種號滇良者燒當之玄孫時王莽末四夷內侵及莽敗眾羌還據西海至建武九年司徒掾班彪上言舊制涼州部置護羌校尉持節領護理其怨結歲時巡行問所疾苦又數遣使驛通道動靜使塞外羌夷爲吏耳目州郡因此可得儆備焉今宜如舊以明威防光武從之卽以牛邯爲護羌校尉自燒當至滇良世居河北大允谷種小人貧而先零卑湍竝皆強富數侵犯之滇良父子積怨從大渝中入掩擊先零卑湍大破之掠取財畜奪居其地大小渝中由是始強



大平寰宇記 卷之八十一  
二  
滇良子滇吾立附落轉盛常雄諸羌在晉內附以  
其地屬汶山郡宋齊亦得之後爲西魏所有又按  
後魏書鄧至傳王像舒治者竝白水羌是也常爲  
羌豪自稱鄧至王後至舒彭遣使內附拜龍驤將  
軍益州刺史甘松縣開國子鄧至王請以封爵授  
子彭奮高祖許之拜奮建忠將軍甘松縣開國子  
旣爲小藩朝貢相繼關中亂乃絕後魏末平鄧至  
藩始統有其地後周保定五年于此置龍涸防天  
和元年改置扶州領龍涸郡隋初廢州郡以其地  
併入汶山唐昌二郡唐武德元年置松州貞觀二

年置都督府督松岨懿嵯闊麟雅藪可遠奉巖諾  
蛾彭軌盍直肆位玉嶂祐橋序等二十五羈縻州  
永徽之後生羌相繼或降或叛屢有廢置儀鳳二  
年復加整比督文扶當拓靜翼六州都督羈縻三  
十八州研州劍州探那州忸州毗州河州幹州瓊  
州犀州拱州龕州陪州如州麻州霸州礪州光州  
至涼州蠶州擘州黎州邏州思帝州眺州戍州統  
州穀州邛州樂容州達違州卑州慈州據天寶十  
二載簿松州都督府督一百四州其二十五州有  
額戶口多但羈縻逃散餘七十九州皆生羌部落



或臣或否無州縣戶口但羈縻統之天寶元年改松州爲交川郡乾元元年復爲松州按貞觀初分十道松文扶當悉柘靜等州屬隴右道永徽之後據梁州之境割屬劍南道也

領縣三

嘉誠 交川 平康

四至八到

東至東京

缺

東至西京二千七百六十里

東北至長安一千九百里

東至扶州三百三十八里

南至翼州一百八十里

北至吐蕃界九十里又至茂州三百三十里

東南至茂州三百里

西南至當州三百里

西北至吐蕃界五十五里

東北至扶州三百里

戶

唐開元戶一千七十六

風俗

同扶州



土產

麝香 羌活

嘉誠縣十鄉後魏時白水羌像舒治自稱鄧至王據此

地其子舒彭遣使朝貢乃拜龍驤將軍始置甘松

縣魏末大亂又絕後周復招慰之於此置龍涸防

天和元年改置扶州領龍涸郡隋改甘松為嘉誠

縣屬同昌郡唐武德元年于縣置松州取州界甘

松嶺為名 甘松嶺按山海經云甘松嶺亦謂之

松葉嶺即江水發源於此土人謂之松子嶺 石

門水石門山自龍州連互有水經郡界合江故曰

石門水

交川縣南二十里 十二鄉後周天和中於此置縣以領羌夷

屬龍涸郡以其地通胡越道路東西相交以名縣

焉 雪山出朴硝其色如銀在縣西南百里有

蠶崖路險人罕得到

平康縣二鄉唐垂拱元年割交川及當州通軌翼斜三

縣置平康縣屬當州天寶元年改屬交川郡 羊

膊山按江源縣記云平康縣羊膊山下有二神湫

乃大江所發之處白羊膊嶺散漫殆未濫觴東南

百餘里至白馬嶺迴行二十餘里至石鏡水障始



于是也 汝水出岷山西玉輪阪下經郡邑界

松州都督府督羈縻二十五州舊督百餘州無縣戶口惟

二十五州有名額皆招撫生羌置

岷州唐貞觀元年招慰党項置州處也長安西南二千二百四十六里

領縣二與州同置

江源 洛稽

戶一百五十五

懿州唐貞觀五年置西吉州八年改為懿州處党項長安西南二千二百五十里

領縣二與州同置

闊涼 落吳

無戶口

麟州唐貞觀五年置西麟州處生羌歸附八年去西字至長安四千五百里

領縣七與州同置

碓川 和善 斂具 碓源 王交 利恭 東

陵

無戶口

雅州貞觀五年處生羌置西雅州八年去西字在長



安西南二千六百六十里

領縣三與州同置

新城 三泉 石隴

無戶口

蕞州貞觀三年党項歸附置長安西南一千八百里

領縣三與州同置

都流厥調湊殷富器邇率鍾並諸羌部落遙立無縣

寧遠 臨泉 臨河

無戶口

可州貞觀四年處党項置西義州八年改爲可州長

安西南二千四十里

領縣三與州同置

義誠 清化 靜方

無戶口

遠州貞觀四年生羌歸附置長安西南二千三百六

十里

領縣二與州同置

羅水 小部川

無戶口

奉州貞觀三年處生羌置西仁州八年改爲奉州長



安西南二千一百六里

領縣三

與州同置

奉德 思安 永慈

無戶口

巖州貞觀五年置西金州八年改爲巖州長安西南二千一百里

領縣三

金池 甘松 丹巖

無戶口

諾州貞觀五年處降羌置長安西南二千六百四十

三里

領縣三

諾川 歸德 離渭

無戶口

蛾州貞觀五年處党項羌置至長安二千七百里

領縣二

與州同置

常平 邠川

無戶口

彭州貞觀三年處党項置洪州七年改爲彭州長安西南二千七百八十里



領縣四

與州同置

洪川 歸遠 臨津 歸正

無戶口

軌州都督府貞觀二年處党項置至長安西南二千三百九十里

領縣四

與州同置

通川 玉城 金源 俄徹

無戶口

盍州貞觀四年置西唐州八年改爲盍州處降羌長安西南二千六百三十里

領縣四

與州同置

湘水 河唐 曲嶺 祐川

領戶二百二十

直州貞觀五年置西集州八年改爲直州處降羌至長安二千五百里

領縣二

與州同置

集川 新川

戶一百

肆州貞觀五年處降羌置長安二千六百里

領縣四

與州同置



歸唐 芳藜 鹽水 磨山

無戶口

位州貞觀四年降生羌置西鹽州八年改爲位州至長安二千四百一十里

領縣二與州同置

位豐 西使

戶一百口無

玉州貞觀五年處降羌置長安二千八百七十八里

領縣二與州同置

玉山 帶河

戶二百一十五口無

嶂州貞觀四年處降羌置至長安二千九百里

領縣四與州同置

洛平 顯川 桂川 顯平

戶一百口無

祐州貞觀四年處降羌置至長安二千一百九十里

領縣二與州同置

廓川 歸定

無戶口

臺州貞觀六年處党項置西滄州八年改爲臺州至



長安二千三十五里

無縣

橋州貞觀六年處降羌置至長安二千四百里

無縣

序州貞觀十年處党項置至長安二千四百里

無縣

右二十五州舊屬隴右道隸松州都督府唐貞觀中招慰党項羌漸置永徽以後羌戎或臣或叛制置不一今竝廢省不欲去者以備古跡而已

當州

當州

江源郡今理通軌縣

禹貢梁州之境周爲雍州之境二漢

晉宋竝爲蜀郡地至後周天和元年雁門郡公紇干略於此討渾胡因置同昌郡尋又改爲覃州郡隋初廢郡爲扶州仍于此置嘉誠縣卽爲扶之屬邑也唐武德元年於嘉誠縣立松州貞觀二十一年大首領董和那蓬固守松府以捍西羌特勅於通軌縣置當州以州土出當歸爲名領通軌左封二縣以蓬爲刺史顯慶元年蓬子屈甯襲父官二年又析左封置悉州儀鳳二年移治逢日橋天寶元年改爲江源郡乾元元年復爲當州本屬劍南



道大厯五年移入山陰要便之地以備吐蕃

領縣三

通軌 和利 谷利

四至八到

東北至東京三千三百九十里

東北至西京二千九百七十里

東北至長安二千一百一十里

東至翼州翼水縣八十里

東南至悉州界四十里

西南至通軌縣故城二百里以西卽生羌界

西南至靜州悉州兩郡接界未詳里數

東北至松州三百里

戶

唐開元戶二千一百

風俗

地邊夷徼人雜羌蠻

土產

麝香 當歸 大黃 羌活

通軌縣

二鄉

本屬松州唐貞觀二十一年於縣置當州

顯慶元年又分置和利谷利平康三縣



太平寰宇記卷之六十一

和利縣

東北三十里一鄉唐顯慶二年分通軌縣置

谷利縣

西南六十里一鄉

唐文明元年開生羌地置

### 悉州

悉州

歸誠郡今理左封縣

禹貢梁州之域古西羌地自兩漢至

隋為羌夷所居唐顯慶三年割當州東三十里左

封縣界內悉唐川因立為悉州領悉唐左封識曰

三縣以羈縻羌人其首領有董係比射任刺史自

後射卒以左封縣令董俱悉凍任刺史兼勅以父

死子繼咸亨元年移治左封儀鳳二年羌叛又寄

治當州城內尋歸舊治垂拱二年置歸誠縣載初

元年移治匪平川天寶元年改為歸誠郡仍割識

曰屬臨翼郡乾元元年復為悉州舊屬隴右道松

州都督復屬劍南道

領縣二

左封 歸誠

四至八到

東北至東京 缺

東北至西京三千二百一十里

東北至長安二千三百五十里

東至翼州一百九十里



南至翼州二百五十里

西至靜州六十里

北至靜州八十二里

東南至棲雞川界一百里

又東南至成都府六百五十里

西南至翼州界一百九十里

西北至當州未審里數

東北至翼州一百五十里

戶

唐開元戶八百一十

風俗

羌夷同當州

土產

顛麝香 菴牛尾 當歸 羌活 朴硝

左封縣二鄉本屬翼州在當州東南四十里唐顯慶元

年乃於縣置悉州在悉唐川故也載初元年移州

于東南五十里匪平川

歸誠縣東南八十里一鄉唐垂拱二年置

靜州

靜州靜川郡今本當州之悉唐縣也唐顯慶元年於

太平寰宇記

卷之八十一

七



縣置悉州咸亨元年於悉州置翼州都督府移悉州理左封置儀鳳九年罷都督府翼州卻還治於翼斜縣於悉唐縣置南和州天授二年改爲靜州以理夷落開元時理在清邊縣在今郡南六十里清邊故城是也後爲邊夷難制又以去諸郡稍遠數叛亂移故州額于悉唐縣卽今郡也比屬隴右道隸松州都督後割屬劍南道

領縣二

悉唐 靜居

四至八到

東北至東京

缺

東北至西京三千一百五十里

東北至長安二千二百九十里

東至悉州六十里

南至赤和戍城三十五里

南至維州一百三十里

西至平戎城一百里

北至茄和山十里

北至當州界六十里

東南至翼州臨翼縣嶺藜鎮一百三十里



西南至恭州界六十里  
西北至拓州界三十五里  
東北至當州六十里

戶

唐開元戶五百七十七

風俗同當州

土產

筒布 麝香 鼈牛尾 酥 朴硝

悉唐縣二鄉本當州悉唐縣置在悉唐川顯慶中來屬

此

靜居縣東二十里一鄉唐天授二年改南和州為靜州仍於

靜州置靜居縣

校勘

松州總序

鄧至羌

右總序云按後魏書鄧至傳至王像舒治者竝白水羌也常為羌豪自稱鄧至王以上

雖採魏書傳然與本文頗外異後至舒彭遣使內附拜龍

驤將軍益州刺史甘松縣開國子鄧至王請以封爵授子彭奮高祖許之拜奮建中



將軍甘松縣開國子按此則像舒彭乃像舒治之後不知其世又嘉誠縣總序云後魏時白水羌像舒治自稱鄧至王據此地其子舒彭遣使朝貢按此則舒彭乃舒治之子又鄧至羌總序云自舒治至十世孫舒彭附于後魏孝文帝封甘松縣子按此則舒彭又爲舒治十世孫前後牴牾不一今攷後魏書帝紀孝文太和十七年鄧至王像舒彭遣子舊詣闕朝貢求以位授舊詔許之又鄧至傳云其王像舒治遣使內

附高祖拜龍驤將軍孝文卽高祖而紀傳所載曰彭曰治名各不同又按元和郡縣志松州總序像舒治子孫舒彭內附拜龍驤將軍益州刺史甘松縣開國子而通典乃云自舒治至十代孫舒彭附于後魏孝文封甘松子二書又復不合今記所載舒彭內附拜龍驤將軍事與元和志同鄧至王請以封爵授子彭奮高祖許之與後魏帝紀同舒治十世孫舒彭附于後魏孝文帝與通典同諸書旣不一疑各有所本而



今記隨事因之遂不暇細攷惟以舒彭爲  
舒治之子莫知其何所據若以史爲正則  
治與彭同時疑治卽彭而訛耳然未有攷  
正

鄧至王請以封爵授子彭奮高祖拜奮建忠  
將軍

按後魏記像舒彭之子名舊今日彭奮未  
知孰是疑衍彭字

後魏末平鄧至藩始統有其地後周保定五  
年於此置龍涸防

按今記鄧至羌總序云西魏恭帝初其主  
擔術因亂來奔周文帝遣兵送還自後無  
聞此蓋通典之文然今松州所載旣曰後  
魏平鄧至統有其地後周於此置防戍矣  
而又曰周文帝遣兵送還自後無聞二說  
不合未知孰是按後周書鄧至傳術作衍



太平寰宇記卷之八十二

劍南東道一

梓州

富國監

梓州

梓州

梓潼郡今理郫縣

禹貢梁州之域秦為蜀國鹽亭之地

二漢屬廣漢巴二郡三國時其為東廣漢郡按蜀

志云先主入蜀攻劉璋遣諸葛亮等分定州郡略

地至郫百姓以牛酒犒師於會軍堂山是此地東

廣漢郡即後主置也晉宋齊並為廣漢郡至梁初

武陵王蕭紀於郡置新州西魏又於此立昌城郡



至隋開皇十八年廢郡改新州爲梓州取梓潼江  
爲郡名煬帝初廢州改爲新城郡唐武德元年改  
爲梓州領鄴射洪鹽亭飛鳥通泉五縣三年又以  
益州玄武來屬四年又置永泰縣調露元年置銅  
山縣天寶元年改爲梓潼郡乾元元年復爲梓州  
乾元後分蜀爲東西川梓州恆爲東川節度使治  
所也皇朝改爲安靜軍節度

領縣十

鄴縣 玄武 涪城綿州割到 射洪 通泉 鹽亭

銅山 飛鳥 永泰 東關僞蜀置

州境

東西三百六十五里 南北三百六十三里

四至八到

東北取縣州路至東京三千六百里

東北至西京二千九百三十里

東北至長安二千里

東至果州三百五十里

正南微東至普州三百四十六里

西至漢州二百三十里

正北微東至劍州三百六十八里



南至遂州一百八十五里

西南至簡州一百八十五里

西北至絳州一百三十里

東南至閬州三百一十五里

正東微南至果州二百五十里

戶

唐開元戶六萬一千九百

皇朝戶主三萬七千六百五十四客二萬六千二

百六十一

風俗同益州

人物

馮信字季誠郫人凡十舉孝廉科十辟公府皆不就

王堂字敬伯廣漢人曾孫商

馮顥成都人為太守郫人為

鄭純郫人為太守南

王渙

字稚子郫人當機善斷陳寵辟為功曹由此顯名

譚顯為長樂衛尉

唐陳

子昂射洪人

李義府射洪人

土產

綾 綿 銀 空青 會青 石綠 地黃 紅

花 砂糖 柑橘 枇杷 十道記云廣漢之地

有鹽井銅山之富本南夷周末秦并為郡有蔬食

果實之饒 舊進丙熟烏頭紋綾水波綾



水名

梓潼 鹽亭水 涪江 鄴江 合江

地名

鄴道 鄴郎 新城 武都 巴西 南充

鄴縣

舊二十六鄉今九鄉

按常璩國志云漢高帝六年置廣漢

郡管縣六鄴縣是其一也舊縣在今縣南九里臨

江鄴王城基址見存又云以鄴江為縣名蜀志姜

維等聞諸葛瞻破乃引軍由廣漢鄴道以審虛實

即此地後魏置新城縣于此恭帝三年改為昌城

縣隋開皇三年罷郡縣屬新州十年改新州為梓

州縣屬不改縣有鹽井四十三眼二十二眼見煎

餘廢 中江水在縣西南三里源從玄武縣東界

流入當縣西南八十餘里入涪江 桃花溪在縣

三十里源從涪城縣南流入當縣東又六十里入

射洪縣 石谷溪在縣東南二里源出當縣社山

下遶牛頭山南入中江 牛頭山在縣西南二里

高一里形似牛頭四面孤絕俯臨州郭下有長樂

寺樓閣烟花為一方之勝概 涪江在縣西二百

里自涪城縣東南流入縣界合中江東流入射洪

縣界屈曲二十里通遂州 鄴道漢鄴道縣城在



今縣西

玄武縣州西一百十五里本漢五城縣地華陽國志

漢時立倉發五城縣人尉部主之後因以為縣晉

武改為五城縣屬東廣漢郡在五城山隋開皇三

年置玄武縣隸益州唐貞觀元年割入梓州九州

要記鹽井二近江水淡煎鹽不成 玄武山九州

要記云玄武山一名赤雀山一名宜君山山有鹿

尾入貢又華陽國志云玄武山一名三嵎山在縣

東二里其山六屈三起山出龍骨傳云龍升其山

值天門閉龍升不達死墜于此後沒入地中民掘

取其骨入藥用 覆船山改名泊山高五里按十

道錄云堯遭洪水維舟泊此船覆于樹下因此名

焉又益州記覆船山中十五里有七里阪一名羊

腸阪屈曲有壁立難升之路 犁刃山在縣北十

里按李膺蜀記犁刃山長八里高出眾峰形如鑿

刃 廢懷歸縣在西北二十里蜀記云宋元嘉九

年置後周明帝初併入玄武縣 廢五城縣在縣

東二里李膺蜀記云五城在三嵎山之東

涪城縣西北六十里舊本漢縣屬巴西郡後漢初吳

漢入蜀裨將臧宮拔涪城即此邑東晉立始平郡



于此隋初廢郡後爲涪城縣以隸巴西郡大厯十三年又自縣州卻隸梓州管鹽井五十五所一十眼煎四十五眼塞 涪城水在縣北從縣州巴西郡界流入縣界卻入郫縣 香積山在縣東南三里北枕涪江 五層山在縣北二十五里 天柱山高二里四面平正有重山高一百餘步孤秀如柱故名天柱山

射洪縣

東南六十里舊十三鄉今四鄉

本漢廣漢郡郫縣地後魏恭

帝于此分置射洪縣益州記郫樓灘東六里有射江土人語訛以江爲洪 涪江從郫縣界流入當

縣北界 梓潼水從鹽亭縣南界流入當縣又東流入涪江 獨坐山在縣東南二十五里周迴一里高一百丈卓然孤峻南枕涪梓二水 懸巖在縣南一十五里遠望懸崖皎如白雪舊名崖山天寶三年勅改爲懸巖山 射江水經注云涪江水又東南流合射江卽今射洪縣南有此水

通泉縣

東南百四十里舊十二鄉今五鄉

故西宕渠郡湧泉縣地名

黃澣川隋開皇三年於此置通泉縣□□□□□□□交注取其流通之名管鹽井七十四所 通泉山在縣西北二十里東臨涪江絕壁二百餘



丈水從山頂湧出下注涪江湧泉郡故城在此涪江從射洪縣東南流入縣界又南流入遂州

黃澣水源從鹽亭縣東南流入當縣合涪江 萬頃澤田在縣東北二十二里澤內方萬頃

鹽亭縣

東北九十二里舊十三鄉今六鄉

按李膺蜀記云靈江東鹽

井亭古方安縣也周地紀梁大同元年於此亭置縣因井爲名管鹽井三一井見煎 負戴山在縣西一里高二里自劍門南來過劍州入當縣其山龍盤虎踞起伏四百餘里至此卻蹲山有飛龍泉噴下南流入梓潼江水色清冷其味甘美時以爲

瓊漿水

龍固山在縣西北七十里高四里四面

懸絕可以固守

董叔山在縣東九十步高一里

隔瀾江水孤峰絕島峭壁千仞舊名潺亭山隋開

皇四年縣令董叔封嘗遊宴此後人思其德政號

曰董叔山

梓潼水源出劍州陰平縣豆圖山石

穴東南經緜州鹽泉縣流入當縣 鹽亭水源出

閬州西水縣西南流入當縣鹽井亭故名鹽亭水

去合梓潼江

廢高渠郡城在縣西十六里北臨

梓潼水周保定初置隋開皇三年廢爲縣大業三

年縣亦廢

廢宕渠在縣北三十二里安樂村李



膺蜀記宋元嘉十九年置西宕渠郡領縣四宕渠  
宣城漢初東關於宕渠是其一也梁天監中廢  
嚴震墓唐德宗朝爲山南西道節度使移興元尹  
礪震之弟元和中自山南西道移東川節度以上  
二墓在負戴山下去縣西一里

銅山縣

西南一百二十里  
舊七鄉今三鄉

本蜀道銅山之治昔漢文

帝時鄧通鑄錢卽此也唐貞觀二十三年置監上  
元三年廢監爲縣以銅山爲名 私谿山在縣西  
二十四里高一里出銅昔時任百姓採鑄俗呼私  
谿山 可蒙山在縣西北三十里高一里出銅

賴應山在縣北三十里周二里出銅及空青出銅  
山甚多此略書三所 鄴江水源出玄武縣東南  
流入縣界 會軍堂山高三里蜀主劉玄德遣孔  
明張飛分定州界略地至此百姓以牛酒犒師武  
侯因會軍士于此後傳云會軍堂山 銅官山在  
縣西南六十八里長二里蜀記云縣西南有銅官  
山闊八丈高出眾峰鄧通卓王孫冶鑄之所也景  
龍二年採銅利害使西臺侍御史奏稱梓州玄武  
縣簡州金水縣競銅官坑按兩縣圖經其銅官山  
合屬玄武縣請徙銅官于山南二里



飛鳥縣

西南一百四十里  
四十鄉今三鄉

本漢鄴縣地之故城在縣

北三十五里故鄴王城也隋開皇十年置飛鳥鎮  
十三年改鎮爲縣取飛鳥山爲名貞觀二十二年  
以舊縣山重峻險移就今縣理管鹽井七三井見  
煎四井塞 大飛鳥山高二里周迴二里又有小  
飛鳥山高一里周迴二里又山在縣東重巒峻削  
二山相向如飛鳥之狀 小鄴江水源出當縣西  
南蓮池鄉小山下東流入縣郭又七十六里合鄴  
江

永泰縣

東北一百二十  
七里元三鄉

本漢充國縣之地唐武德四

年巡檢皇甫無逸以四境遙遠人多草寇遂以當  
州鹽亭縣劔州普安縣閬州西水縣三縣界析置  
此縣因以永泰爲名管鹽井五 女徒山在縣東  
二十五里其山從閬州新井縣界來故老相傳昔  
有女徒千人于通泉縣康督井配役遇賊于此山  
乃于山頂置柵禦捍遂破其賊俗爲之置祠今富  
順鹽井皆婦人推車汲水由此而論則女徒之山  
可錄云 李義府碑在縣北三十步義府本此郡  
人武后朝爲中書令後人立碑以旌其餘烈

東關縣

東南百四十  
里元三鄉

本鹽亭縣雍江草市也僞蜀明



太平寰宇記卷之八十二  
德四年以地去縣遠徵輸稍難寇盜盤泊之所因  
割樂平等三鄉立招葺院計徵兩稅錢一萬三千  
貫碩皇朝乾德四年平蜀升為縣取古東關地之  
名從本州知州張澹之所請也管鹽井四三井有  
鹽煎一井廢

### 富國監

富國監者本梓州郫縣富國鎮新井煎鹽之場也皇  
朝置監以董其事兼領通泉飛鳥等鹽井地去梓  
州九十里

太平寰宇記卷之八十二終

太平寰宇記卷之八十三

劍南東道二

### 綿州

綿州巴西郡今巴西縣禹貢梁州之域秦屬蜀郡按九州記

云州之賓人族人皆夷也華陽國志云秦昭襄王  
時白虎為害乃募能殺者時夷人胸臆廖仲藥秦  
精等伏弩于高樓射殺之昭襄王曰虎歷四郡凡  
害千二百人一朝除之功莫大焉乃刻石與盟曰  
復夷人頃田不租十妻不筭傷人不論殺人雇死  
賧錢又盟曰秦犯夷輸黃龍一雙夷犯秦輸清酒



一劔至始皇末漢初猶爲蜀郡之地武帝始分蜀地爲益州以此地爲涪縣屬廣漢郡卽涪水之所經焉晉孝武自梓潼故城徙梓潼郡置于此西魏又于此置潼州取潼水爲名郡國志云梓潼東接巴西南接廣漢西接陰平北接漢中梁武陵王蕭紀僭號又於二郡置西潼二州隋文帝開皇五年改潼州爲綿州以綿水爲稱煬帝廢州爲金山郡以金山爲號唐武德元年復爲綿州領巴西西昌隆涪城魏城金山萬安神泉七縣三年分置顯武龍安文義鹽泉四縣七年省金山縣貞觀元年又省

文義縣此州爲成都東北之要衝

元領縣九

今八

巴西

彰明

魏城

羅江

神泉

龍安

鹽

泉

西昌

一縣割出

涪城

州入梓

州境

東西二百三十里

南北一百七十五里

四至八到

東北至東京三千三百八十四里



東北至西京二千九百五十四里

東北至長安一千七百三十四里

東至梓州一百三十里

東至劍州二百里

西至茂州取松嶺關路三百七十里

北至龍州二百五十里

東南至梓州二百五十里

西南至漢州一百三十里

西北至龍州一百三十里

東北至劍州二百八十里

戶

唐開元戶六萬五千

皇朝戶主二萬八千四百三十六客九千二百八

十

風俗

大同梓州又郡國志云賓人勁勇銳氣而善舞故

古有巴渝舞

人物

張壽

字伯僖廣漢涪人為五官功曹

王晏

字叔博廣漢涪人

李膺

涪城

人撰益州記三卷



土產

小綾 交梭紗 綿 緋紅遊蜀記云左綿緋紅三川所尚綿州左綿

郡有水所染緋紅於此水 毯 紫參 百桔

巴西縣舊二十五鄉本漢涪縣屬廣漢郡華陽國志

後漢元初二年廣漢郡自繩鄉移治涪縣後治雒

縣劉備據蜀立梓潼郡以縣屬焉隋改為巴西縣

富樂山周地圖記云此山甚高廣為眾山之秀

登之望見州內 盤龍山形如盤龍故名 靈山

郡國志云昔有神女于此擣衣因號擣衣山山南

絕巖有方石明瑩謂之神女擣練砧 猿門山益

州記猿門山在涪縣之北二十五里上多猿其山

二峯望如門故曰猿門山 金山益州記云金山

在涪縣東五十步東臨潤水光照映川又李膺記

云金山長七八里每夏淹雨有崩處即金粟散出

五婦山西蜀王使五丁力士迎秦五女還到梓

潼見一大蛇入穴五丁乃引之力極山崩壓殺五

丁及秦五女迄今謂之五婦山連互入梓州界

孱山水華陽國志云涪縣有孱山水其源有金銀

鑛民得採之又郡國志云漢有金山縣縣東二里

有一水瀨有碎金珠隨波東注傍水居人採以為



業卽此水 石新婦在劍閣上蜀記云昔有人遠  
征妻送至此大泣不忍歸因化爲石至今郡人祠  
之 白馬山郡國志云昔漢高帝乘白馬過此遂  
有祀 蔣琬墓在州西七里琬爲益州刺史安陽  
亭侯 大劍鎮在劍閣口一人荷戟萬夫莫向魏  
時蜀將姜維拒鍾會于此

彰明縣

北七十里依舊二十鄉

本漢涪縣西魏昌隆縣地初在

清廉鄉大同四年移于讓水魏移于孟津里唐先  
天元年避廟諱改爲昌明縣天寶中江水決建中  
元年移于舊縣卽今理也今改爲彰明縣 靈臺

山在縣北一名天柱山高四百丈卽漢張道陵昇  
仙之所又郡國志云靈臺山天柱崖下有一桃樹  
高五丈外皮似桃內心似松道陵與王長趙昇試  
法于此四百餘年桃迄今未朽小碑記之 豆萁  
山九州記云高五百丈上有北神池并祠廟 蕨  
山郡國志云山有鍾乳穴十九又西岸有自然石  
塞其下流水上有懸石似磬擊之有聲可聽 廉  
水讓水一名長江水東北自龍州江油縣流入又  
按宋書云范百年梓潼人宋明帝因問曰卿鄉土  
有貪泉否對曰臣居梁益之地有廉水讓水不聞



有貪泉帝嘉之卽拜蜀郡太守一云此水飲之使人廉讓故以名之 孟津山自十八壠山向縣東南一里 石磬山自戴天山向西連接長三十里 李膺記云西有石室口方一丈三尺下有流泉味甘內有懸磬聲聞數里四面石床高一丈 涪水自龍州江油縣界南入去縣一里 李膺墓在州西南四十里膺涪城人爲益州大中正撰益州記三卷 李白碑在靈梵寺門下梓州刺史于邵文 魏城縣東北六十五里依舊十鄉本漢涪縣地西魏于涪縣立潼州故析涪之北部立爲魏城縣李膺記西溪東五

十里有東西井井西爲涪縣界井東爲梓潼界隋大業中自鹽泉井移魏城縣于此 白陶山自劍州陰平縣界入 甚岡按郡國志云魏城縣有甚岡東枕水每夏洪水朝觸金粟散出 石新婦山已解在上山連互劍閣

羅江縣西南七十八里舊二十鄉今十鄉本涪縣地晉于梓潼水尾

萬安故城置萬安縣晉末亂移就潺亭今縣城是也梁置萬安郡隋開皇二年廢郡爲縣唐天寶元年改爲羅江縣水經注云潺山石下有泉曰潺水今縣北三里有潺亭廟有碑磨滅潺亭之字存



龍池山在縣西南山有池池上有石如龍蟠羅  
嶺山在縣西南十里故老相傳云羅公遠曾隱于  
此山有洞號真人宮 天台山在縣南山似吳之  
天台折腳之水出焉 白馬關在縣西南十里與  
鹿頭關相對 萬安故城後魏恭帝元年又於此  
置萬安郡隋罷郡復徙萬安縣于此

神泉縣

西南八十四里依舊八鄉

本漢涪縣地晉太元中置西充

國縣梁武陵王改爲平州縣後魏恭帝移于今所  
隋開皇六年改爲神泉縣縣西有泉飲之疾愈因  
爲名 神泉按郡國志云縣西三十里有泉十四

穴甘香異常痼疾飲之卽差故曰神泉今有祠

龍子山自漢州綿竹縣東入縣界

龍安縣

西北九十四里依舊十鄉

本漢涪縣地後周爲金山縣唐

武德元年改爲龍安縣因界內龍安山爲名 松

關嶺在縣西北一百七十里又有松嶺山山上雖

有茶不可食故毛文錫茶譜云綿州龍安縣生松

嶺關者與荊州同其西昌昌明神泉等縣連西山

生者並佳獨松嶺上者不堪採擷 巴西山自彰

明縣界來縣北一十里舊名曰崖山天寶年中改

爲巴西山 附子山自松嶺關山東連接去縣四



十里山出附子又有附子水出焉 猿門自縣北  
特起去縣二十里多出猿兒嶮固如門舊有猿門  
戍

鹽泉縣

東八十五里  
依舊五鄉

漢涪縣地後魏于此置魏城縣

唐武德二年分魏城置鹽泉縣以地有鹽井民得  
採漉爲四方賈售之地蜀都賦云家有鹽泉之井  
取此爲名 五層山自梓州涪城縣邑山北入縣  
界西南四十里山有五層 梓潼水自梓潼縣界  
東流入

西昌縣

西五十六里  
依舊八鄉

舊名益昌縣隋開皇三年廢入

金山縣卽今龍安是也唐永淳元年復置以利州  
有益昌縣在州西改爲西昌縣 西昌山在縣北  
特起舊名馬鞍天寶六年勅爲西昌山 季城一  
名鬼城在縣南三里臨泉括地志云城西十里地  
名木棚有益昌縣爲此也未詳其由

校勘

綿州

總序

按九州記州之賈人族人皆夷也華陽國志  
云秦昭襄王時白虎爲害乃募能殺者時夷  
人胸臆廖仲藥秦精等伏弩于高樓射殺之



按此乃巴東朐腮事卽今夔州之雲安縣不知何以載于此當是以涪縣與涪陵相犯而郡縣又皆名巴故誤書于此耳詳此則所引九州記賓人族人事恐亦誤

梁武陵王蕭紀僭號又於二郡置西潼二州按南史蕭紀傳紀僭號于蜀以巴西梓潼二郡太守永豐侯撫爲征西大將軍則二郡上疑脫巴西梓潼字又云置西潼二州豈增置西潼州爲二州乎然無所考

### 巴西縣

盤龍山 靈山

或云此皆閬中縣所已載閬州舊亦爲巴西郡故又誤載于此當考

石新婦在劍閣上

魏城縣亦載

大劍鎮在劍閣

口

按巴西及魏城去劍閣甚遠未知何以載于此當考然他郡類此者非一因一見之



太平寰宇記卷之八十三終

太平寰宇記卷之八十四

劍南東道三

劍州

龍州

劍州

劍州

普安郡今理普安縣

禹貢梁州之域秦之蜀郡漢廣漢郡

之梓潼縣後漢因之不改按華陽國志云諸葛亮

相蜀鑿石架空為飛閣道以通蜀漢即此郡晉以

其地入梓潼郡宋齊如之梁天監中於此立南梁

以在梁州之南故也梁末改為安州後入西魏廢

帝二年先下安州始通巴蜀因改安州為始州取



郡邑更始爲名兼置普安郡隋初郡廢而州存大業初廢州爲郡唐武德元年復爲始州領縣七聖厯二年置劍門縣先天二年始改爲劍州取劍門山爲名天寶元年改普安郡乾元元年復爲劍州領縣七

普安 武連 陰平 劍門 梓潼 臨津 普

成

州境

東西二百八十里 南北二百六十里

四至八到

東北至東京三千二百里

東北至西京二千七百里

北至長安二千里

東北至利州二百里

南至梓州三百六十八里

西至綿州二百里

北至利州一百六十三里

東南至閬州三百里

西南至綿州二百八十里

西北至龍州二百九十里



東北至利州一百九十里

戶

唐開元戶二萬三千五百

皇朝戶主七千五百三十六客八千三百四

風俗同龍州

人物

景鸞入儒林傳

李業字巨游梓潼人入獨行傳

文齊為鎮遠將軍

土產

薑鞋 紗 絲布 舊貢蘇薰席圖經云蘇家三陵草蓆

今貢巴戟 蠲紙

普安縣舊十三鄉今十二鄉本漢梓潼縣地魏立普安郡後郡

廢為普安縣屬劍州 故壘山在州北按益州記

云姜維拒鍾會有故壘其山峭壁下臨絕澗即此

也 卧龍山在縣東二里其山盤圍周布號卧龍

山高一百丈

武連縣西八十三里舊漢為梓潼縣地宋置武都郡今七鄉

于此并置下辯縣又改下辯為武功縣後魏廢帝

二年改名武連縣 治山一名五郡山周地圖縣

南有治山縣人張逸背梁附後魏與梁將楊乾運

於此山下大戰乾運大敗死者千人恭帝元年收



骸骨併爲一墓死者五郡人因改治山爲五郡山  
五子山在縣北七十三里西自龍州界迤邐斜  
連馬閣山頂其山至此特起五峯鴈行相次高五  
百丈因名五子山 龍祠山在縣東三里高三百  
丈舊名九龍山唐天寶六年勅改名龍祠山貞觀  
年中山上曾置九龍祠 小潼津發源在縣北七  
十里京兆山分水嶺南名京兆水 廢下辯縣城  
在縣南五里臨小潼水益州記云宋文帝元嘉二  
十九年以武都流人于下辯縣安置大明二年改  
爲武連縣隋大業九年移今理其城見廢

陰平縣

西百四十里  
依舊十鄉

本漢梓潼縣地按顧野王輿地

志晉人流寓于蜀者仍于益州立北陰平郡西魏

廢帝二年定蜀改陰平爲龍安隋省龍安縣併爲

陰平縣屬始州按三國志鄧艾伐蜀自陰平縣景

谷步劍閣道懸車束馬逕出江油而至是此地也

馬閣山在縣北六十里北接梁山西接岷峨昔

魏將鄧艾伐蜀從景谷路出龍州江油縣至此懸

崖絕壁乃束馬懸車作棧閣方得路通因名馬閣

山 十八壠山在縣西南五十里高千餘丈岡巒

連屬十八壠因以爲名十二壠在綿州昌明縣界



六壠在當縣界 馬閣水在縣北源自龍州江油  
縣大業山下來經馬閣山南流入縣界又七十一  
里入梓潼縣界更名潼水 龍穴山在縣東北五  
十里亦名龍像巖亦名龍血山古老相傳昔此山  
有龍鬪死血變爲石宋齊于此置龍血戍益州記  
云龍血東有龍像巖絕壁約萬餘丈有四石龍在  
壁間今猶可驗巖之東北有洞穴莫測深淺泉出  
其下

劍門縣

東北六十里舊九鄉今十一鄉

本漢梓潼縣地諸葛武侯相

蜀于此立劍門以大劍山至此有隘東之路故曰

劍門卽姜維拒鍾會于此唐聖曆二年分普安臨

漢陰平三縣地於方期驛城置縣 大劍山亦曰

梁山山海經高粱之山西接岷嶓東接荆衡王隱

晉書張載隨父收入蜀作劍閣銘益州刺史張敏

見其文乃表天子刻石于劍閣焉又有小劍山在

其西三十里故曰此爲大劍崔鴻十六國春秋苻

堅使楊安伐蜀徐成破二劍是也其山東連莎鼻

西接綿州凡二百三十一里故左太沖云緣以劍

閣也 大劍水 小劍水 石牛道常璩國志周

顯王時秦惠王謀伐蜀乃作石牛五頭朝瀉金其



後曰牛便金有養卒百人蜀人悅之使使請石牛  
惠王許之乃遣五丁迎石牛入蜀至靜王五年秦  
大夫張儀司馬錯等從石牛道伐蜀滅之 劍閣  
道史記云蔡澤謂范睢曰今君相秦計不下席謀  
不出廟廊坐制諸侯棧道千里通于蜀漢晉中興  
書曰李特入漢州至劍閣顧盼險阻嘆曰劉禪有  
如此地而面縛於人豈非庸才也 嘉陵江自鳳  
州大散關發源從利州下流入縣界過廢始州在  
縣西二十里有隋內史令李德林撰碑銘

梓潼縣

西南百六十里舊  
十二鄉今四鄉

本漢舊縣屬廣漢郡華陽

國志云漢孝武元鼎元年置以縣東倚梓林西枕  
潼水以此爲名蜀先主分置梓潼郡西魏於此置  
潼川郡移縣於郡南三十里改爲安壽縣於此置  
三年廢郡移縣復舊治猶以安壽爲名大業三年  
還名梓潼 五婦山在縣北一十二里高四百二  
十丈按蜀記云梓潼縣有五婦山秦王遺蜀王美  
女五人蜀王遣五丁迎女至梓潼五丁蹋地大呼  
驚五女並化爲石蜀王築臺而望之不來因名爲  
五婦候臺漢書地理志云梓潼五婦山碑志存有  
五婦山神廟李膺又云梓潼有鳴湍折碑祠西臨



潼水湍迅激流俗呼張湍祠亦呼爲石碑祠長  
卿山在縣南五里舊名神山按圖經云唐玄宗幸  
蜀遙見山上有窟近臣奏此漢司馬相如讀書之  
窟勅改爲長卿山 兜鍪山在縣東十九里從武  
連縣東南來羣峯列勢如兜鍪之狀因以爲名  
潼江水在縣西南四里源出陰平縣馬閣山來至  
五婦山西七曲山下名潼水漢書地理志云梓潼  
江水南流四里至墊江入涪水 隱劍泉在縣北  
十二里五丁力士廟西一十步古老相傳云五丁  
開劍路迎秦女拔蛇山摧五丁與秦女俱斃於此

餘劍隱在路傍忽生一泉又云此劍庚申日見  
百神廟在縣南四里唐咸通十一年盧耽除四川  
節度時蠻寇圍成都大將軍吳行魯統師過此見  
斷碑皆古卿相之名遂心禱之願蕩除蠻寇旣而  
王師大捷乾符三年行魯除東川節度使遂抽俸  
於路側置百神之廟至景福大順之間廟遭兵火  
王氏僭號夢見一百神人稱是梓潼百神未有祠  
宇王氏因重與置皇朝乾德三年尅復西蜀又罹  
兵火尋奉勅修葺今廟貌儼然 濟順王本張惡  
子晉人戰死而廟存郡國志云惡子昔至長安見



姚萇謂曰卻後九年君當入蜀若至梓潼七曲山  
幸當見尋至建元十二年隨楊安南伐未至七曲  
山迷路遊騎賈君蒙忽見一鹿馳逐至廟門鹿自  
死追騎共剝之有頃萇至悟曰此是張君爲我設  
主客之禮烹食而去唐書云廣明二年僖宗幸蜀  
神于利州桔栢津見封爲濟順王親幸其廟解劍  
贈神時太子少師王鐸扈從至廟親覩皇帝解劍  
授神因題詩云盛唐明主解青萍欲振新封濟順  
名夜雨龍拋三尺匣春雲鳳入九重城劍門喜氣  
隨雷動玉壘韶光待賊平爲報山東諸將相主持

勲業賴陰兵注云時術士言來春駕還京 蛟龍  
神祠在縣東一十九里兜鍪山上俗呼爲兜鍪神  
古老相傳此神昔用生人祭之不則瘴疾水潦爲  
害張道陵誡之遂絕

臨津縣

東南一百三  
里舊十鄉今九鄉

本邑西閬州之界壤也按舊

圖經云梁天監十八年分閬州於此置相源縣屬  
巴西郡隋開皇七年改爲臨津縣以其俯臨津水  
爲名唐先天二年改始州爲劍州其縣屬焉 掌  
天山在縣西六十里益州記云掌天山在臨津縣  
山多柘堪爲良弓雖麋絲燕角不能勝也 都竹



水在縣西五十里從武連縣樂安水流入普安縣  
界南流入當縣至掌天山下入閬州 廢永歸縣  
在縣南四十九里本臨津縣地西魏得蜀于此立  
永歸縣今廢焉

普成縣

南一百二十里今七鄉

本漢梓潼縣地周地圖梁置梁

安縣屬南梁州武帝天和中改爲黃安縣唐末改  
爲普成縣 氏陌山在縣西三十五里舊圖經云  
晉太康年中關西離亂武都氏人流離入蜀耕鑿  
此山遂成陌因名氏陌山 柘溪水在縣東三十  
里源發柘谷山多生柘木益州記云五婦山東百

里有柘溪水 廢華陽縣城在縣南四十里益州  
記云宋大明年置隸南安郡後魏元帝廢 廢茂  
陵縣城在縣西三十里益州記云宋大明年隸扶  
風郡圖經云後魏口口元年改屬黃原郡至隋開  
皇三年廢

### 龍州

龍州

江油郡今理江油縣

禹貢梁州之域秦漢及魏無聞魏志

云景元四年諸軍攻蜀鄧艾自陰平行無人之地  
七百里鑿山通道作橋閣山高谷深甚爲險難艾  
以羶自裹縛而下將士自攀木緣崖魚貫而進先



登至江油卽此地晉于此置平武縣宋齊皆因之  
至梁有楊李二姓各自稱藩于梁至後魏武帝得  
其地置江油郡西魏廢帝二年定蜀于此立龍州  
隋大業初廢州爲平武郡唐武德元年改爲龍門  
郡其年加西字貞觀元年改爲龍州天寶元年改  
爲江油郡乾元元年復爲龍州舊屬隴西右道永  
徽後改屬劍州

領縣二

江油 清川

州境

東西四百六十八里 南北二百九十六里

四至八到

東北至東京二千九百三十里

東北至西京二千五百十里

東北取利州路至長安一千六百五十里

東至利州四百里

南至綿州二百二十二里

西至松州三百三十三里

北至踰山至文州三百三十里

東南至劍州三百二十里



西南至茂州四百九十里

西北至扶州六百里

東北取白埧音霸川廢景谷縣路至利州二百七十里  
里正路亦二百七十里

戶

唐開元戶二千九百九十

皇朝戶主八百九十客六百四十二

風俗

與劍州同然山高水峻人多癯瘠癡聾蓋山水之氣使然也

土產

麩金舊貢 羚羊角 葛粉 附子

江油縣舊五鄉今一鄉秦漢曹魏為無人之境晉始置陰平

縣及平武縣地西魏廢帝二年置龍州及江油縣

取江水以稱邑兼郡 石門山漢水記云與氏分

界於石門仇池城去石門四百餘里左思蜀都賦

云緣以劍閣阻以石門顧野王輿地志云石門在

褒中之北漢中之西今按其山兩邊有石壁相對

望之如門鄧艾伐蜀歷此 鄧艾廟在郡中按土

地志云鄧艾以伐蜀之勲歷艱難後人敬之故廟



在焉 大匡山在州南八十里高九百丈陰洞潛  
穴氣蒸成川有飛泉下流一百里入劍州陰平合  
白澤水 天池山在州南一百三十里高九十二  
丈上有池周二十三步其水常滿號曰天池本名  
石人山天寶六年勅改為靈液山 弩牙山在州  
東二百三十四里高三千七百丈以山形似弩牙  
崆峒山在州西二百五十一里高二千五百丈  
西接松州交川縣界土人謂之崆峒山 羊角山  
在州南九十里雙峯崛起如羊角此山出錫 涪  
水在縣北一里自松州崆峒山下出西北至州界

南綿州界 馬閣水在州東一百五十里出大業

山東南流入劍州陰平縣界 李龍遷祠在近郭

山上有李龍遷祠唐玄宗幸蜀時嘗令增修禱祝

至長慶四年敬宗差高品張士謙至彼尋訪事跡

清川縣北一百里舊二鄉今一鄉本後魏於此置馬盤縣及馬盤

郡屬龍州以界內山名郡邑隋初郡廢縣仍屬龍

州又改為清川縣 馬盤山在州北二百十里高

三千三百丈重巒疊嶂為行者之難 清水出啼

胡山闊五丈東流入利州界其水清美亦曰啼胡

水



太平寰宇記卷之八十四終



卷之四